

## Panggilan Doa Tiga Malaikat

### HARI KE-1 —MUSTAHAKNYA DOA (SEGERA)

*"Jadi jika kamu yang jahat tahu memberi pemberian yang baik kepada anak-anakmu, apalagi Bapamu yang di sorga! Ia akan memberikan Roh Kudus kepada mereka yang meminta kepada-Nya."— Lukas 11:13 TB*

#### Tugas yang mencabar

Populasi dunia meningkat secara mendadak. Maklumat terkini menunjukkan terdapat 7.8 bilion penduduk di dalam planet yang dipanggil bumi ini, ia berputar dengan kecepatan 67.000 batu per jam. Sekitar 385,000 bayi lahir setiap hari, iaitu 140 juta setiap tahun. Persoalannya, bagaimanakah kita dapat menjangkau dunia dengan khabar baik injil tentang kedatangan Yesus yang kedua kali. Setiap tahun, manusia bertambah 7 kali lebih banyak berbanding jumlah anggota gereja Seventh-day Adventist terkini.

Cuba lihat cabaran ini dari sudut yang lain. Bandar-bandar didunia berkembang pesat. Terdapat lebih kurang 548 bandar dengan populasi satu juta orang dan keatas. Kebanyakan bandar-bandar ini terletak di negara yang mempunyai bilangan gereja Seventh-day Adventist yang sangat sedikit. Tugasan yang mencabar untuk menjangkau dunia dengan perkhbaran tiga malaikat ini semakin mencabar di hadapan kita. Jutaan orang mati tanpa mengenali Kristus dan pengetahuan tentang khabar baik keselamatan dan pengharapan akan kedatangan Yesus yang kedua kali. Kadang-kadang tugasan ini kelihatan agak mustahil – dan perkara inilah yang seharusnya membuatkan kita untuk berlutut dalam doa yang sungguh-sungguh.

#### Melalui Kuasa Roh Kudus

Tidak ada kemampuan manusia yang cukup untuk menjangkau dunia bagi Kristus. Rancangan manusia tidak berdaya kecuali mereka diberi kuasa oleh Roh Kudus. Hanya melalui kuasa Roh Kudus sahaja dunia ini dapat dijangkau dengan pesanan syurga tentang akhir zaman. Hanya melalui kekuatan Roh Kudus sahaja jutaan orang di bandar-bandar besar di dunia dapat dijangkau. Hanya melalui kuasa Roh Kudus, negara-negara yang tertutup, kalis injil dapat dicapai. Hanya melalui kekuatan Roh Kudus masyarakat kita dapat dijangkau. Berita baiknya, Tuhan sudah pun berkerja di tempat-tempat yang "sukar dijangkau" ini. Dia menjemput kita untuk mencari Dia, untuk mendapatkan kekuatan demi menyelesaikan tugasan di hadapan kita.

#### Berapa Banyak Lagi

Yesus berkata, "Jadi jika kamu yang jahat tahu memberi pemberian yang baik kepada anak-anakmu, **apalagi** Bapamu yang di sorga! Ia akan memberikan Roh Kudus kepada mereka yang meminta kepada-Nya." (Lukas 11:13). Perhatikan ungkapan "berapa banyak lagi (apalagi)" dalam teks ini. Yesus mahu melakukan lebih banyak perkara untuk kita secara peribadi and lebih banyak lagi untuk gereja-Nya daripada yang dapat kita bayangkan. Dia mendesak kita untuk meminta Roh Kudus, memohon Roh, untuk mencari berkat Roh dengan segenap hati kita – bukan kerana Dia tidak mau memberikannya tetapi kerana kita yang tidak bersedia menerimanya. Dengan bermulanya sepuluh hari berdoa kita pada tahun ini, mari kita tuntutan janji ini bersama-sama.

"Janji Roh Kudus tidak terbatas kepada umur dan bangsa apa pun. Kristus menyatakan bahawa pengaruh ilahi Roh-Nya akan menyertai pengikut-pengikut-Nya sehingga akhir. Dari Hari Pentakosta hingga sekarang, Penghibur(Roh Kudus) telah diutus kepada semua orang yang telah menyerahkan diri sepenuhnya kepada Tuhan dan pelayanan-Nya" (*The Acts of the Apostles [Kisah Para Rasul]*, ms. 49).

Mari berdoa bersama-sama.

## Masa Berdoa (30-45 Minit)

### Kesaksian dari Sepuluh Hari Berdoa 2021

"Saya bersyukur untuk Sepuluh Hari Berdoa ini. Saya berasa seperti api semangat, membara di dalam diri saya. Saya meluangkan lebih banyak masa membaca Alkitab dan bersama Tuhan... Saya bersyukur dan memuji Tuhan kerana membuka mata, hati dan fikiran saya untuk menerima Yesus dan Roh Kudus sepenuhnya dalam hidup saya." (Constance)

### Janji yang kuat

"19. Dan lagi Aku berkata kepadamu: Jika dua orang dari padamu di dunia ini sepakat meminta apapun juga, permintaan mereka itu akan dikabulkan oleh Bapa-Ku yang di sorga. 20. Sebab di mana dua atau tiga orang berkumpul dalam Nama-Ku, di situ Aku ada di tengah-tengah mereka.' (Matthew 18:19, 20). 'Mintalah maka Aku and menjawab permintaanmu.' Janji ini diberikan dengan syarat bahawa gereja bersatu dalam doa, dan sebagai jawapan kepada doa ini, kekuatannya dijangkakan mungkin lebih besar daripada jawapan doa peribadi. Kekuatan yang diberikan bergantung atau setimpal dengan kesatuan anggota dan cinta mereka kepada Tuhan dan antara satu sama lain." (Ellen G. White, *Manuscript Releases*, vol. 9, p. 303).

**Semua kumpulan doa mempunyai cara berdoa bersama yang berbeza. Kami menggalakkan anda untuk meluangkan masa selama 30-45 minit seterusnya ini dalam kesatuan doa, dengan cara apapun Roh Kudus memimpin anda. Berikut adalah beberapa contoh berdoa melalui Kitab Suci. Anda juga boleh berdoa melalui ayat-ayat lain. Sila rujuk Panduan Pemimpin untuk idea-idea doa lain.**

### Berdoa dengan Firman Tuhan – Lukas 11:13

"... apalagi Bapamu yang di sorga! Ia akan memberikan Roh Kudus kepada mereka yang meminta kepada-Nya!"

#### "Berapa banyak lagi"

*Tuhan, Engkau baik. Engkau mahukan kebaikan saya, lebih daripada ibubapa yang paling penyayang mahukan. Engkau mengenali hati saya yang paling dalam, dan Engkau sahaja yang faham bagaimana memulihkan, menyembuhkan dan mengubah saya.*

#### "Roh Kudus"

*Yesus, terima kasih atas janji pemberian Roh Kudus. Dia membawa rahmat Tuhan ke dalam hidup kami. Dia memulia-Mu di hati kami. Ia menerapkan keselamatan yang Engkau lakukan di Kalvari dalam hidup kami. Terima kasih atas pemberian ini!*

#### "Siapa sahaja yang memohon kepada-Nya"

*Bapa, saya menuntut janji dalam Lukas 11:13 hari ini. Setiap hari, dengan senang hati, saya akan meminta Engkau untuk mengisi hidup saya dengan pemberian, kehadiran, dan kuasa Roh Kudus. Tolong hapuskan dari hidup saya segala sesuatu yang menghalangi penyerahan penuh saya kepada-Mu. Baptiskan saya dan gereja kami dengan Roh Kudus agar kami dapat memuliakan Yesus di dunia ini yang memerlukan-Mu.*

**Cadangan-cadangan doa**

**Kesyukuran dan pujian:** Ucap syukur dengan menyebutkan jelas berkat itu, dan pujilah Tuhan kerana kebaikan-Nya.

**Pengakuan:** Luangkan beberapa masa untuk pengakuan peribadi dan berterima kasih kepada Tuhan atas pengampunan-Nya.

**Pimpinan:** Mintalah Tuhan untuk memberikan kebijaksanaan dalam menghadapi cabaran dan keputusan semasa.

**Gereja kita:** Berdoalah untuk keperluan gereja serantau dan gereja dunia (lihat helaian terpisah dengan permintaan).

**Permintaan orang tempatan:** Berdoalah untuk keperluan semasa anggota gereja, keluarga, dan jiran.

**Dengar dan bertindak:** Luangkan masa untuk mendengarkan suara Tuhan dan masa untuk memberikan respond melalui pujian atau lagu.

**Lagu-lagu cadangan**

*SDA Hymnal:* Spirit of the Living God (#672); Sweet, Sweet Spirit (#262); Fill My Cup, Lord (#493); Inilah jam ku berdoa (#478); Come, Holy Spirit (#269).